

Predsjedavajući OSCE-a izrazio podršku domaćem rješenju za ustavne pregovore

Visoki predstavnik Wolfgang Petritsch je danas razgovarao sa predsjedavajućim OSCE-a, portugalskim ministrom vanjskih poslova Jaimeom Gamom. Tokom svoje posjete OHR-u ministar Gama je bio u pratnji šefa Misije OSCE-a u BiH Roberta Beecrofta.

Visoki predstavnik je obavjestio ministra Gamu o reorganizovanoj strukturi operacija međunarodne zajednice u Bosni i Hercegovina, naglašavajući integralnu ulogu OSCE-a u novom kabinetu i konfiguraciji radne grupe. Visoki predstavnik je takođe govorio o napretku postignutom u smanjivanju broja oružanih snaga entiteta i pohvalio OSCE i ambasadora Beecrofta za preuzimanje vodeće uloge u ovoj oblasti. U razgovoru na temu sve većeg broja takozvanih manjinskih povrataka zabilježenih u posljednje dvije godine, visoki predstavnik je naznačio pozitivnu ulogu OSCE-a u promovisanju regionalnih inicijativa za povratak.

Visoki predstavnik je objasnio ministru Gami u kojoj se fazi nalaze ustavni pregovori glavnih političkih stranaka u BiH, naglašavajući da se OHR usredsredio na posredovanje i podsticanje stranaka da postignu dogovor između sebe.

Ministar Gama je izrazio podršku stavu visokog predstavnika i rekao da je "veoma važno da se do ustavnih reformi dođe putem dogovora i dijaloga između političkih stranaka." On je takođe naglasio značaj oktobarskih izbora, koji će nadalje učvrstiti političku stabilnost BiH uvođenjem četvorogodišnjeg izbornog ciklusa.

Što se tiče smanjivanja broja oružanih snaga, ministar Gama je naglasio da je "od suštinske važnosti da moderna, napredna i pro-evropska BiH riješi ovo pitanje" dok se BiH kreće prema putu za članstvu u Partnerstvu za mir i potpisivanju Sporazuma o stabilizaciji i pridruživanju sa Evropskom unijom.

I visoki predstavnik i ministar da Gama su izrazili svoje zadovoljstvo sa tijesnom i kontinuiranom saradnjom uspostavljenom između OHR-a i Misije OSCE-a u BiH.